

ԱՆՏԻՊ Է.ՋԵՐ

ԳՈՒՍԱՆԵՐԳՈՒԹԻՒՆ

(ԵԿԵՂԵՑԻՒ ՄԸ ՀՐԴԵԶԷՆ ԱԶԱՏՄԱՆ ԱՌԻՅՈՎ ԽՈՐՀՐԴԱՊԱՇՏՈՐԷՆ)

Նոր գերապանծ փառօք բերկրեալ ցնծա հարսն անեղին.
Ահա նորոգ զովեստ յարմար չիքէն սքանչիցըն նորածին:

Ջի թէ արփին խնթիւ դիտեաց՝ զգննու միթէ զսեաւ տխրալին,
Ահա անդրէն ի դարձ ելեալ ընդ առաջեալ քո եղբոր որդին:

ԱՂԵՐՍ ՀԱՐՍԻՆ

Թառնելըն քո առ ի խնդիր ի հրապարակս ընդ փողոցին
Ահա նա իմ եղբոր որդին միթէ տեսէ՞ք արք հանդէսին:

Եղբոր որդին իմ անց զինեւ եւ ոգի իմ ել ընդ բանին.
Ահա նա ալք իմ լի ցօղով, միթէ տեսէ՞ք զիմ բաղձալին:

Ո՞ւր ընթացա՛ւ եւ ո՞ւր գտայց եւ ո՞ւր դիտէ զլոյս արեւին,
Ահա ընթացս իմ տոյտրիմ միթէ տեսի՞ք զիմ անծկալին:

Ալք նորա է իբր զաղաւնիս. լուացեալ կաթամբ ջուրց բազմալի.
Եւ ձեռք նորա ոսկի մաքրեալ լցեալ ակամբ շափիւղալի:

Շրթունք նորա շուշանք բուրեն, ծնօտք նորա տաշտ կնդրուկի.
Կոկորդ նորա լի քաղցրութեամբ, ամենեւիմք յոյժ ցանկալի:

Տեսիլ նորա իբրեւ զընտիր եղենափայտ Լիբանանի.
Ահա այն է եղբոր որդին այն մերձաւոր ՚ւ իմ սիրելի:

Օն եւ օն ձեզ իմ օրիորդք, եթէ տեսէք ազդեցէ՞ք ինձ,
Մինչեւ կալայց եւ ոչ թողից. համբուրեցից զիմ ցանկալի:

Ի կողոզելդ առ ի հարցմունս՝ որոնել քո արտասուագին
Ահա նա գայ լերանց բարձանց սաստիկ սիրով ի քեզ մերձին:

ՓԵՍԱՅՆ ԱՍԷ

Բաց ինձ, ասէ, քոյր իմ զդուրս քո, գեղեցիկ իմ ամենեւին.
Ահա նա զլուխ իմ լի ցօղով, վարսք իմ շաղից գիշերային:

Ձայնեալ ի քեզ եղբոր որդին արի եկ դու մերձաւոր իմ
Ահա ծմնուն անծրեւք անցին, ծաղկունք յերկրի գունագեղին:

Որթք մեր ծաղկեալ գհոտն բուրեն եւ լուր եղեւ ծայն տատրակին
Արի եկ դու աղանիդ իմ, կատարեալ իմ, գեղեցիկ իմ:

Մուծեալ զքեզ ի տուն զինույ կարգեն զսէր քո սիրելին.
Ահեակ նորա քոյին զգլխովդ եւ աջ նորա զքեւ պատին:

Այն իւղ թափեալ չքնաղ անուն քո մերձաւոր եղբոր որդին
Ահա նա ետ համբոյր ի քեզ, զի իղձ սրտիդ կատարեսցին:

Ողկոյզ ծաղկեալ եղբոր որդին բուրեալ նարդոսն ընդ ստաշխին.
Ահաւաղիկ կաս գեղեցիկ առ ի վայելս քո փեսային:

Ծանեար ըզքեզ անհաս գեղով չթողլով ըզհետ զարշապարին.
Ահա նա քեզ եւ դու նմա, զի հովուեսցէք ի շուշանին:

Գնացոր ըզհետ եղբորորդոյդ առ յուղղութիւն օրինակին.
Ահա եղբր զնա կնիք սրտո՞ղ եւ մատանի յաջոյ ձեռին:

Նաեւ ի քեզ յոյժ խանդակաթ խանդատեալ ի սէր քոյին
Ահա ընթացք գետոց եւ ջո ըջ սէրդ ի սիրոյն ոչ բաժանին:

Այ դու քանի գեղեցկանաս, այ դու քանի մեզ քաղցրանաս
Աէր փափկութեան քում յարմարի փեսայն անյագ սիրով կապի:

ՕՐԻՈՐԴՔՆ ԱՍԵՆ Ի ԲԵՐԱՆՈՅ ՀԱՐՍԻՆ

Արդ զինչ պատմես քո դստէյացն, այ թագունի գեղեցկային.
Թէ ահա նա իմ եղբոր որդին կարմիր սպիտակ ընտրել ընաւին:

Արի հիւսիս եւ եկ հարաւ շնչեա յայգիս զի ծաղկեցին
Ահա նոր գայր մերձաւոր իմ, հանգիլ ի մէջ բուրաստանին:

Այ օրիորդս դստերք փառաց նուագեցէք ծայն ներբողին,
Ահա օր է ինձ հարմնութեան գտի արդ զոր սիրեաց անձն իմ:

Սիրելին իմ ի սենեակէ երգեսցուք սէր զանլռելին.
Յորդորեցին ծայն քաղցր յարմար՝ ծագման սիրոյ յառաւօտին:

Երկու ստինք ուլս երկւորիս արածելով մէջ շուշանի,
Ահա ի լեառն զմռնենեաց եւ ի բլուրն կաս քրքումի:

Ջնոր առ հնով ետ ինձ մայր իմ, քեզ պահեցի եղբոր որդի.
Արդ ասա ինձ ով տայր ի քեզ դիտել զստինս ով տենչալի:

Ի ՓԵՍԱՑԷՆ ԱՌ ՀԱՐՄՆ ԴՐՈՒԱՍՏ ԵՐԳԵՆ

Փոխարինեալ դու զովեցար ի բերանոյ սուրբ փեսային
Ահա բազում են թագունիք, մի աղաներդ, մի սիրելին:

ՕՐԻՈՐԴՔՆ ԱՌ ՀԱՐՄՆ

Անուն եղաւ քեզ առաւօտ, եւ գեղեցիկ իբր զլուսին,
Ահա դու կաս զօրմանալի պայծառատիպ գեր քան զարփին:

Առեալ ածեր ի տուն մօր քո յըղեցելոյ մեծ սենկին,
Ահա նա շունչ ետուր ի մեզ հոգիազգեստ սուրբ համբուրին:

Որովայն քո շեղջ ցորենոյ շուշան ծաղկօք լըցեալ փակին.
Ահա ելեր յարմաւենին եւ ընկալար զվերնոյ նորին:

Գոյն ոսկեցեղ լիբանանի սաղարթախիտ բազմորակին,
Ահա նա վարդ քո կարմրերփեան նորոգ թփոյդ վառեալ զփայլին:

Այտ քո իբրեւ զնրոնասին թէպէտ դրժող վարսքդ երեւին.
Ահա՛ նո՞ր փառք քո ի ներքոյ ախորժակաւ դեղ հիւանդին:

Սափոր լցեալ հացիւն երկնից անմահութեան ճաշակողին
Ահա ըմպել տաս զգինին ազնիւ ի նռնենեաց սուրբ խորհրդին: